

中國文學精華

注音

吳 摯 甫 文

味經山房選本

中國文學精華

注音

吳 摯 甫 文

味經山房選本

民國廿六年三月發行
民國三十年一月三版

中國文學精華
音注吳肇甫文 (全一册)

◎

實價國幣五角

(郵運匯費另加)



輯注者 中華書局

發行者 中華書局有限公司
代表人 路錫三

印刷者 上海澳門路
美商永寧有限公司

總發行處 昆明 中華書局發行所

分發行處 各埠 中華書局

注音

吳摯甫文

揭要

先生之文，上接方劉，而以姚曾爲依歸，其浸漬於湘鄉也尤深；集中碑銘之作，雅近湘鄉家學所傳；佑啟後人，先生爲不死矣！

小傳

先生名汝綸，字摯甫，安徽桐城人。同治進士，客曾國藩李鴻章幕，掌奏議，官冀州知州。光緒閒充北京大學堂總教習，加五品卿銜，後遊日本考察教育制度，稱病引歸。有詩文集行世。

注音
吳摯甫文

目次

孔敘仲文集序·····	一
記寫本尙書後·····	三
再記寫本尙書後·····	六
讀淮南王諫伐閩越疏書後·····	八
跋蔣湘帆尺牘·····	一三
題范肯堂大橋遺照·····	一四
送張廉卿序·····	一六
賀蘇生先生七十壽序·····	一九
家嚴慈六十雙壽徵言略·····	二二

廣西潯州府知府薛君墓碑·····	二六
廣昌縣城隍神廟碑·····	二九
贈光祿大夫記名御史刑部郎中 合肥李公廟碑·····	三二
程忠烈公神道碑·····	三七
左文襄公神道碑·····	四五
光祿大夫刑部左侍郎袁文誠公 神道碑·····	五六
李文忠公神道碑銘·····	六二

黃來庭墓表……………七〇

江安傅君墓表……………七三

李勤恪公墓銘……………七七

誥封太夫人陳母熊太夫人墓誌

銘……………八〇

題玉露禪院……………八二

姚公談蓺圖記……………八四

合肥淮軍昭忠祠記……………八七

附鈔深州風土記四篇……………九三

明以來孝義序
州風土記敘錄
流寓 物產後敘 深

祭李文忠公文……………一一〇

注音

吳摯甫文

味經山房選本

孔敘仲文集序

往汝綸始入內閣，則聞曲阜孔敘仲先生，於諸舍人中爲最賢，會先生已東歸，願見而不可得。又後念餘年，與先生之子厚甫同官直隸，乃得讀先生之書，蓋先生少師事李方伯宗傳，爲桐城古文學。桐城之言古文，自方侍郎劉教諭姚郎中，世所稱天下文章在桐城者也。而郎中君最後出，其學亦最盛，由郎中君已上，師師相詔，更嬪禪同遞引，鄉里之傳不絕，獨郎中君自少至老，常客遊不家於鄉，其流風被天下，而桐城受業者，乃四五人而已。李方伯其一人也。郎中君既沒，弟子晚出者，爲上元梅伯言，當道光之季，最名能古文，居京師，京師士大夫日造門問爲文法；而是時湘鄉曾文正公尤以閎文繫眾望，其持論亦推本姚氏，故梅曾二家賓客相通流。先生既傳業於李方伯，及入京師，則數音朔下同於梅伯言，曾文正往

來，其於姚氏之學，既沈漸尖音而癖僻音好之，嘗寄書伯言，自詭出桐城門下，用相矜寵。暇則從諸公爲文酒之燕，並通與譚宴見於詩集者，往往一會至數十人。今讀其詩，若承警磬音欬慨音於諸君子之側，而身從其游，與之馳騁而先後之也。

方梅曾在京師時，文章之士，趨之歸之，相與講論姚氏之術，可謂盛哉！往年汝綸侍文正公時，公數數爲余稱姚氏之說，且曰：「今天下動稱姚氏，顧真知姚氏法者不多，背倍音而馳者皆是也。」汝綸竊自維念，幸生桐城，自少讀姚氏書，姚氏支與流裔在天下，有振起而益侈大之者，而鄉里後生，卒鮮得其近似，聞公言則瞿音句又音劬然而慄疏江切。今老矣，業不加進，無以逾侍文正公時，讀先生書，考其淵源所自，茫然不自知鍼刺之在體也！

【內閣】

清初因明制，設內閣，置滿漢大學士，參預機務，自雍正時設軍機處，內閣遂等閒散，清季廢軍機，置內閣總理大臣，權復集於

內閣。

【舍人】

清制內閣置中書，秩七品，別稱舍人。

【曲阜】

縣名，屬山東省，孔子故里。

【方伯】

古諸侯之長曰方伯，明

清之世，布政使亦稱方伯。

【李宗傳】

字孝曾，桐城舉人，嘉慶中，官浙江知縣，在麗水清釐積案七百餘起，累遷湖北布政使。見安

徵通志。

【桐城】縣名，屬安徽在懷寧北。

【方侍郎】名苞，字靈皋，號望溪，清康熙丙戌進士，坐戴名世南山集下獄，後官

右侍郎。著有望溪文集等行世。

【劉教諭】名大樞，字才甫，一字耕南，號海峯，兩中順天副榜，乾隆時舉鴻博經學，皆報罷，授安徽黟

縣教諭。著有海峯文集行世。

【姚郎中】名鼐，字姬傳，乾隆進士，研精經學，破除漢守門戶之見；著有九經說三傳補注，而尤以古文

重天下，古文辭類纂，其手選也。其後古文，因有桐城派之目，官戶部郎中。

【更嬪】更替也。

【上元】清縣名，舊屬江蘇江寧府，今

併入江寧縣。

【梅伯言】名曾亮，道光進士，官戶部郎中，古文學惜抱，詩亦天機清妙。著有柏硯山房集。

【曾文正公】名國藩，

字濂生，湖南湘鄉縣人，道光進士，官至武英殿大學士，兩江總督，以平髮匪功，封一等毅勇侯，卒贈太傅，諡文正。

【閔文】閔，大也。

【通流】猶言往來。

【沈漸】如水之深入也。

【癖】嗜好之病。

【詭】說文：責也，言以此自責任也。

【矜寵】矜重取

寵也。

【警效】色笑之意。

【數數】屢次也。白居易詩：乘閒數數來相訪。

【瞿然】心驚貌，禮：曾子聞之瞿然。

【慄】懼也。

【支與流裔】四字見前漢書藝文志：裔，衣末也。如水之下流，衣之末裔也。

記寫本尙書後

尙書，經名，尙上也。以其爲上古之文，故曰尙書。

古尙書百篇，今存者廿八篇，虞夏商周之遺文，可見者盡此矣。漢時書多十六篇，由時師不能說，不傳，卒以亡，惜哉！惜哉！古帝王之事，與後世同，其所爲傳載萬世，薄九閔彌厚土，不敝壞者，非獨道勝，亦其文崇奧有以久大之也。

揚子雲最四代之書，以爲渾渾爾，噩音噩音灝音爾，彼有以通其故矣。由晉

宋以來，士汨古忽切於晚出之僞篇，莫復知子雲之所謂；獨韓退之氏稱虞夏書亦

曰渾渾，於商於周獨取其佶讀若屈聲音牙者。詩曰：「惟其有之，是以似之。」信

哉！其徒李漢敘論六藝，又曰：「書禮剔其僞，」書之僞蓋自此發，且必退之與其

徒常所講說云爾，而漢誦述之；不然，漢之智殆不及此。聖人者道與文故并至，下

此則偏勝焉，少衰焉，要皆有孤詣獨到，非可放同倣而襲似之者，知言者，可望而

決耳；我尤惜近儒者，考辨僞篇，論稍稍定矣。至論所謂渾渾者，噩噩者，灝灝者，佶

屈而聲牙者，其覆音然，而莫辨猶若也。於是寫其文，自典謨訖秦穆，頗采文字異

者著於篇，庶綴學之士，有以考求揚韓之說而得其意焉。

嗟乎！自古求道者，必有賴於文，而文章與時升降；春秋以還，邱明所記，管晏

老氏所言，去尙書抑遠矣！秦繆區區起邠音賓荒，賓諸夏，無可言者。獨其文萃慈卹切

然躋千載上，視三代殆無媿同色，我又以知帝王之文之肸喜乙切蠶音於後人者，

蓋終古不絕息也。

【古尙書篇二句】此卽伏生所傳者，名古文尙書。

【虞】舜之先國於虞，後受堯禪爲天子，曰有虞氏。

【夏】禹平水土，封夏

伯曰伯禹，後受舜禪爲天子，因以爲號，姓姒氏，亦曰夏后氏，傳十七主，四百二十二年，滅於商。

【商】子姓，成湯代夏有天下，建號商，

盤庚時遷殷，亦曰殷，傳二十八主，六百六十一年，滅於周。

【周】姬姓，武王滅商，建號周，都於鎬，逮平王遷於洛邑，史家因以東西周

別之，傳三十八主，八百六十七年，爲秦所滅。

【時師】謂當世儒師。漢書：今其書見在，時師傳讀而已。

【薄】被也。書：外薄四海。

【九閔】漢書：滕九閔註：九天之門。

【彌】徧也。

【揚子雲】漢成都人，名雄，少好學，長於詞賦，成帝時召對承明庭，著有太玄法

言方言等書傳世。

【最】撮其大旨。

【渾渾】渾樸之意。

【噩噩】威肅之意。

【灝灝】夷曠之意。

【汨】亂也。

【晚出

僞篇】古文尙書五十九篇，出於孔氏壁中，皆科斗古文，爲東晉梅賾所僞作，清顧亭林問百詩等別其僞。

【韓退之】名愈，唐昌

黎人，以文章道德名世，憲宗時官刑部侍郎，以諫迎佛骨貶潮州刺史，尋改袁州，召拜國子祭酒，轉吏部侍郎，卒贈禮部尙書，諡曰文，宋

封昌黎伯。有昌黎集傳世。

【佶屈聱牙】言其文意高深，不易誦讀也。韓文：周語殷鑒，佶屈聱牙。

【詩】見小雅。

【李漢】唐

宗室，字南紀，少事韓愈，通古學，爲人剛直類愈，愈以女妻之，第進士，累遷宗正少卿。

【六藝】六經也。

【獲】勉也。書洛誥：汝乃是不

獲，乃時不惟永哉。

【典謨】卽堯舜二典，大禹謨，皋陶謨，益稷謨是也。

【秦穆】秦穆公爲晉收後所作，穆公名任好，伯益之

後，姓嬴氏，爲五霸之一，秦，今陝西地。

【綴學】猶言繼絕之意。

【春秋】魯史之名，孔子因而筆削之，自隱訖哀，二百四十年，謂之

春秋時代。

【邱明】左氏，邱明名，述孔子之志作春秋傳。

【管】管仲，名夷吾，春秋時相齊桓公，成霸業。著有管子二十四卷。

【晏】名嬰，齊人，字平仲，相景公，名顯諸侯。著有晏子春秋八卷。

【老氏】姓李，名耳，字伯陽，諡曰聃，周柱下史也。孔子適周，問禮於

聃。其所著書名老子，分上下篇，五千餘言，亦曰道德經。

【邠荒】邠，古國名，昔周太王居邠，卽今陝西邠縣境。荒，荒服。

【賓】服也。

【諸夏】謂中國也，封建之世，其國不一，故曰諸夏。左傳：以服事諸夏。

【峯】高貌。

【臍蠶】惑召之意。左思賦：景福臍蠶而興作。

再記寫本尙書後

自漢氏言尙書，有今文古文，其別由伏孔二家。二家經出壁中，皆古文，而皆以今文讀之。歐陽夏侯受伏氏讀，不見其壁中書。壁中書本古文，以傳朝錯入中祕，自是今文始盛行。吾疑安國與其徒，亦故用今文教授，孔氏所由起其家。用此二家之異，在篇卷多寡耳，不在文古今也。

太史公書言：尙書滋多自孔氏，而劉歆議立逸書，譏太常以尙書爲不備。其

時膠東庸生遺學，亦以多十六篇，與中古文同。凡前漢人重孔氏學，稱古文逸書

皆以此。及賈馬鄭之徒出，乃始斷銀晉斷於古文之廿八篇，而廢棄古文其逸十六

篇，以無師說，絕不講。朝錯所受壁中書，雖朽折至哀帝時尙在。孔氏古文若廢棄，

逸十六篇不講，而止傳伏氏所有廿八篇，則與朝錯所受書何以異？且又何以大

遠乎今文也？

今文自前漢時立學官，有祿利，學者習歐陽夏侯經，說之成市，而朝錯壁中書，僅乃能傳讀而已。此同出伏氏一師之所傳，盛衰懸絕，乃如此！其於古文逸書，以不誦絕之，誠無足怪。若賈馬鄭諸儒者，誚歐陽，詆都禮切夏侯，不習博士經，不徇祿利，背時趨崇古學矣！乃亦不誦逸書，何歟？帝王之文，至難得也！遭秦焚，不盡亡，伏氏少失焉，而復出於孔子之堂壁，可謂至幸！是後雖微弱，猶尚絲聯縷續，彌留四百年，而卒廢棄於諸儒崇古學者之手；自是以來，十六篇舍太史公所錄湯誥外，無復遺存者矣！此可爲深惜者也！光緒某年某月桐城吳汝綸記。

【伏】伏生，漢濟南人，名勝，秦博士。文帝時，求能治尙書者，伏生年已九十餘，使鼂錯往受之，得二十八篇，即今文尙書也。秦誓一篇，爲武帝時河南女子所獻，合爲二十九篇。

【孔】孔安國，漢大儒，孔子十二世孫，師事申公，治古文尙書，以今文讀之，承詔作書傳，官至諫議大夫。

【經出壁中】漢初伏生口授鼂錯二十八篇，號爲今文尙書；後魯恭王壞孔子舊宅，於壁中得竹簡尙書，皆科斗文，號古文尙書，合以今文省其煩複，多三十一篇，故今尙書共有五十九篇。

【歐陽】歐陽生，漢千乘人，字和伯，事伏生，受尙書，世爲博士。至東漢時，其裔孫復以傳業顯名，由是尙書世爲歐陽氏之學。按歐陽有尙書章句三十一卷，說義二篇。

【夏侯】夏侯勝，漢東平人，字長公，治尙書，其從父子建，字長卿，亦治尙書。按大小夏侯有尙書章句各二十九卷，解故二十九篇。

學申商刑名，文帝時爲太子家令，以才辯得幸，稱爲智囊。景帝即位，請削諸侯封地，尊京師。吳楚七國反，藉口誅錯，帝乃用袁盎策，斬錯以徇。【中祕】禁內藏書處也。【太史公】漢司馬談爲太史令，子遷繼之，皆稱太史公。太史公書卽史記。【劉歆】漢宗室，字子

駿，後名秀，與父向領校祕書，集六藝羣書種別爲七略，經籍目錄之學自歆始。

【逸書】謂二十八篇以外之尙書也。劉歆建議以左

氏春秋毛詩逸經古文尙書列於學官，移書太常博士，有以尙書爲不備等語，按不備謂僅有二十八篇，其餘逸書，不足信也。立學官，立

於學宮也。【膠東庸生遺學】漢唐諱，膠東人，通古文尙書，爲孔安國再傳弟子。時古文尙書，未得立爲學，諱復以其學，授清河胡

常。【有祿利】因明經而得祿。【賈賈達字景伯，東漢平陵人，弱冠能誦左氏傳，及五經本文。永平中，獻左氏傳解詁三十卷，

國語解詁二十一卷，明帝時詔藏祕館。【馬】馬融字季長，東漢茂陵人，充校書郎，拜南郡太守，才廣學博，著述甚富，嘗設絳帳，前授

生徒，盧植鄭玄，皆融門弟子也。【鄭】鄭玄字康成，東漢高密人，博通諸經，著書累百餘萬言，弟子數千人，其書今存者，有毛詩箋，三

禮註，其易註及春秋之箴，皆自發墨守，起廢疾，皆後人低輯，原書殘佚不完矣。【斷斷】爭辨貌，史記：洙泗之間，斷斷如也。【秦

焚】秦始皇怒咸陽諸生崇古黜今，從不斯議，收天下羣籍，除秦紀及醫卜種植等書，盡燒之。【極】繼繼爲之，以約小兒于背。

【四百年】前後漢共四百年。

讀淮南王諫伐閩越疏書後

淮南王名安，漢高帝少子，淮南厲王長之子，博辯能文，著有內書二十八

卷傳世。以屢謀叛，下諸侯王列侯議，應伏法，上使使治王罪，使未至而王自殺。見漢書本傳。閩越亦作閩粵，今福建，本周時七

閩地，後爲越人所居，故曰閩越。高帝以故粵王無諸爲閩越王，後爲武帝所滅。

淮南王諫伐閩越，爲漢計謀至忠懇，而世輒以謀反少之。我考之史，淮南之反，則審卿公孫弘構之，而張湯尋端治之，蓋冤獄也。

凡史所稱謀反，反形未著，而先事發覺受誅者，事大率皆類此。古無所謂謀反之律也；公羊氏之說春秋，乃曰人臣無將，將而誅，而商君治秦，則有告姦之賞，有慝忒音姦不告姦之罪；其卒也身坐反誅，車裂以徇，曰無或如商鞅反者；此亦足以明造法者之受禍烈矣。乃自是以來，有國者一徇商君之法，不少改也。漢興，高祖用之以除韓彭元功之逼，文帝用之以剪濟北淮南宗親骨肉之忌；而淮南仍父子被惡名隕身失國，太史公尤傷之！後之帝者，開創則除功臣，守成則忌骨肉，而皆以謀反爲主名，互干載踵躡葉切一轍，是其尤可悲者也。

昔者嘗怪賈生以天下才自任，既痛哭上言，請眾建諸侯，而少其力矣。乃又欲廣梁淮陽封皇子，以導迎人主忌兄弟信任己子之私心；且逆慮易世而後，當復忌兄弟信任己子如今日也。故以爲二世之利，此真小人逢君之惡者所爲耳。

以此議法，庸有當哉？三淮南之封，文帝徒以解慚，固非本意。賈生逆探其意而欲爭止之，其說雖未行，漢君臣自是固日日以白公子胥待三淮南矣。王安知之，故以讀書鼓琴學養生之術自溷。戶困切使天下眾知其儒柔無武節，冀可少安，乃卒不能自脫。吳楚之反之不從亂，至歸功國相所劫，蓋不待伍被詣吏告變，而識者知其不可以終日矣。此小山招隱之所爲作也，悲夫！

或曰：「王安方以讀書鼓琴養生之術自溷，閩越用兵，當取道淮南，安乃欲諫止其役，似恐漢知其國阨塞地利者，不益中。擊去聲漢朝之忌乎？」曰：此國家利害，不得顧己私，是乃安之所以爲忠懇也。且武帝用兵，決於英略，無敢訟言諍論者；公孫弘諫伐匈奴，卒受難自任過；司馬長卿欲諫開西南夷，亦不敢正言，而託諭於蜀父老；獨王安於閩越之舉，莊言切論，不稍避忌，此其賢於長卿弘遠矣！用刻深之法，聽讒閒之言，以自遂其忌克之私，至於獄成而示之天下，雖皋陶音搖聽之，亦以爲不誣，而前事豫計者，且因以受遠見未萌之譽；弘湯不足論，我獨怪賈生

申商之學之禍人才傷國體至於如此而世且詫切北亞爲奇才羣晏然而莫之省也。

【審卿】漢辟陽侯審食其之孫，初淮南厲王母有娠，其弟趙策，因食其言於呂后，請白上，后如不肯白，食其不強爭，王母恚甚，王生即

自殺，王心怨之，殺食其以報，及安再王淮南，屢著反謀，審卿因陰求王事以搆於公孫弘，弘益窮治其獄。【公孫弘】漢人，恢奇多聞，

習文法吏事，又好緣飾儒術，汲黯嘗斥其詐，淮南之獄，弘及張湯實搆陷之。見漢書。【構】附會以成之曰構。【張湯】漢杜陵人，

酷吏也，武帝拜爲大中大夫，治獄務深文刻酷，後爲朱買臣所陷，自殺。【公羊氏】複姓，公孫羊孺之後，公羊高爲子夏弟子，作春

秋傳，即公羊傳。【商君】名軫，戰國衛人，少好刑名之學，相秦孝公，變法，封於商，稱商君。著有商子，詞極峻刻，後坐反被誅。【車裂

以徇】以車曳裂人身，古之極刑也。國策：商君歸還秦，惠王車裂之，而秦人不憐。【韓彭】漢韓信彭越，佐高祖定天下，功高主忌，先

後被誅。見漢書。【濟北】漢書：文帝初以東牟侯興居有功，封濟北王，未幾，舉兵反，欲襲樂陽，詔以柴武爲大將軍，將十萬眾擊之，虜

濟北王以還，王自剄死。【守成】謂守已成之業，史記：守成尙文。【踵躡】履蹈也。【父子被惡名】初，高帝立少子長爲淮

南王，諸呂之亂，以附呂后得免，文帝卽位，自恃親長，不奉漢法，上每寬之，自殺，審食其愈益驕蹇，薄昭遺書諫不聽，陰遣使約閩越匈奴

反，事覺下廷尉治，議棄市，帝赦免其死，徙處蜀境，嗣以袁盎言，令檻載還，不食道死，帝憐之，封其子安賜勃良爲列侯，既又分淮南故地

爲三，封安淮南王，賜衡山王，勃廬江王，良前死無嗣。景帝初，吳楚七國反，吳遣使徵兵，賜勃皆不應，安應之，其相已將兵城守不從，漢數

亦至，得免牽連，武帝元狩間，王安謀反，詞連賜廷尉治事驗，遣宗正大行與沛郡雜治，賜聞自殺，而廬江王勃以不應吳楚，徙封濟北，襄